

К ОПУБЛИКОВАНИЮ

КОМИ РЕСПУБЛИКАСА ЮРАЛЫСЬЛÖН ИНДÖД

Коми Республикаса Юралысь бердын стратегическöя веськöдлöм серти координационнöй сöвет котыртöм йылысь

Помшöмъяс лöсьöдöм могысь, кутшöмъясöс веськöдöма Коми Республика мутасын зумыда да быд боксянь социально-экономическöя сöвмöдöмсö могмöдöмын отсалöм вылö, сы лыдын Россия Федерацияса Президентлысь тшöктöмъяссö олöмö пöртöм серти, шуа:

1. Котыртны Коми Республикаса Юралысь бердын стратегическöя веськöдлöм серти координационнöй сöвет.

2. Вынсьöдны:

1) Коми Республикаса Юралысь бердын стратегическöя веськöдлöм серти координационнöй сöвет йылысь положение 1 №-а содтöд серти;

2) Коми Республикаса Юралысь бердын стратегическöя веськöдлöм серти координационнöй сöветö пырысьяссö 2 №-а содтöд серти.

3. Тайö Индöдыс вынсялö сйöс кырымалан лунсянь.

Коми Республикаса Юралысь

В. Уйба

Сыктывкар

2022 вося кöч тöлысь 20 лун

107 №

ВЫНСЬӨДӨМА
Коми Республикаса Юралысьлөн
2022 во кӧч тӧлысь 20 лунся 107 №-а Индӧдӧн
(1 №-а содтӧд)

Коми Республикаса Юралысь бердын
стратегическӧя веськӧдлӧм серти координационнӧй сӧвет йылысь
ПОЛОЖЕНИЕ

1. Коми Республикаса Юралысь бердын стратегическӧя веськӧдлӧм серти координационнӧй сӧвет (водзӧ – Сӧвет) лоӧ координационнӧй сӧвещательнӧй органӧн, кутшӧмӧс котыртӧма сы могысь, медым могмӧдны Коми Республикаса олӧмӧ пӧртысь власьт органьяслысь, федеральнӧй олӧмӧ пӧртысь власьт органьяслӧн мутас органьяслысь, кодьяс уджалӧны Коми Республика мутасын, Коми Республикаын меставывса асвеськӧдлан органьяслысь, ӧтйӧза ӧтувьяслысь, бизнес-котырьяслысь, наука да мукӧд организациялысь ӧтув уджалӧмсӧ Коми Республика мутасын зумыда да быд боксянь социально-экономическӧя сӧвмӧдан условияс лӧсьӧдӧмкӧд йитчӧм юалӧмьяс видлалӧн, сы лыдын Россия Федерацияса Президентлысь тшӧктӧмьяссӧ олӧмӧ пӧртӧм серти.

2. Аслас уджын Сӧвет мыджсьӧ Россия Федерацияса Оланподув, Россия Федерацияса нормативнӧй инӧда актьяс, Коми Республикаса Оланподув, Коми Республикаса нормативӧй инӧда актьяс, а сӧдзжӧ тайӧ Положение вылӧ.

3. Сӧвет йылысь положениесӧ да сэтчӧ пырысьяссӧ вынсьӧдӧ Коми Республикаса Юралысь.

4. Сӧветлӧн медшӧр могьясӧн лоӧны:

1) Коми Республикаса Веськӧдлан котырлы Коми Республика мутасын зумыда да быд боксянь социально-экономическӧя сӧвмӧдан условияс лӧсьӧдӧмкӧд йитчӧм юалӧмьяс серти, сы лыдын Россия Федерацияса Президентлысь тшӧктӧмьяссӧ олӧмӧ пӧртӧм серти, вӧзйӧмьяс дасьтӧм;

2) Россия Федерацияса Президентлысь тшӧктӧмьяс да индӧмьяс олӧмӧ пӧртӧмкӧд йитчӧм юалӧмьяс видлалӧм;

3) Сӧветлӧн компетенцияӧ пырысь юалӧмьяс видлалӧн Коми Республикаса олӧмӧ пӧртысь власьт органьяслысь, федеральнӧй олӧмӧ пӧртысь власьт органьяслысь да налӧн мутас органьяслысь, Коми Республикаын меставывса асвеськӧдлан органьяслысь, ӧтйӧза ӧтувьяслысь, бизнес-котырьяслысь, наука да мукӧд организациялысь ӧтув уджалӧмсӧ координируйтӧм.

5. Сӧвет сы водзӧ пуктӧм могьяс решитӧм могысь вермӧ:

1) урчитӧм пӧрадокын корны да босьтны Коми Республикаса олӧмӧ пӧртысь власьт органьясысь, федеральнӧй олӧмӧ пӧртысь власьт органьясысь да налӧн мутас органьясысь, Коми Республикаын меставывса асвеськӧдлан органьясысь, ӧтйӧза ӧтувьясысь, бизнес-котырьясысь, наука

да мукöд организацияысь, налөн чина йöзсянь колана материалъясь;

2) кывзыны аслас заседанияяс дырйи Коми Республикалөн олөмö пöртысь власьт органьясса, Коми Республикаын меставывса асвеськöдлан органьясса чина йöзöс, öтйöза öтувьясьсö, бизнес-котырьясьсö, наука да мукöд организацияöс петкöдлысьясöс.

6. Сöветö пырöны Сöветөн веськöдлысь да Сöветö пырысьяс.

Сöветөн веськöдлысьён лоö Коми Республикаса Юралысь.

7. Сöвет уджалö заседанияясөн, кутшöмьясьсö нуöдöны очнöя. Сöветлысь заседаниеяссö нуöдöны пыр подув вылын, пырджык, тöлысьнас öтчыдысь оз гежöдджыка.

Советлысь заседаниеяссö нуöдö Сöветөн веськöдлысь.

8. Сöветса заседаниеяс дырйи юалöмьясь видлалöмсö планируйтöны во джынся период вылö (водзö – планируйтан период). Локтан период вылö Сöветса заседаниеяслөн планö пырö юалöмьяслөн лыддьöг, кутшöмöс лöсьöдöма Коми Республикаса Юралысьлөн тшöктöмьясь серти, кутшöмьясьсö колö видлавны Сöветса заседаниеяс дырйи, быд юалöм серти сийöс видлалан кадколастсö да Коми Республикаса олөмö пöртысь власьт органьяссö индöмөн, кодьясь кывкутöны юалöм дасьтöмысь.

9. Локтан период вылö Сöветса заседаниеяслысь план баласö дасьтö Коми Республикаса Юралысьлөн Администрация (водзö – Администрация). Сöветса заседаниеяслысь план баласö ыстöны Сöветөн веськöдлысьлы вынсьöдöм вылö локтан планируйтан период заводитчытöдз 5 уджалан лунысь оз сёрджык.

Локтан период вылö Сöветса заседаниеяслысь плансö вынсьöдöны Коми Республикаса Юралысьлөн тшöктöмөн.

10. Сöветса заседание нуöдан стöч кадпассö индö Сöветөн веськöдлысь.

11. Администрация лöсьöдö Сöветса заседание сёрнитанторлысь баласö да сетö сийöс Сöветөн веськöдлысьлы сöгласуйтöм вылö Сöветса заседание нуöдан кадпасöдз 7 уджалан лун водзвыв.

12. Коми Республикаса олөмö пöртысь власьт орган, кодi кывкутö Сöветса заседаниеяслөн планö пыртöм юалöм дасьтöмысь, ыстö Администрацияö индöм юалöм серти материальяссö Сöветса заседание нуöдны планируйтан кадпасöдз 10 уджалан лунысь оз сёрджык. Сетан материальяссö быть колö сöгласуйтны Коми Республикаса олөмö пöртысь власьт органөн юрнуöдыськöд, кодi кывкутö юалöм дасьтöмысь, а сiдзжö Коми Республикаса Веськöдлан котырөн Юрнуöдысьсöс вежыськöд (кывкутана могьясь юклöм серти) – Коми Республикаса Веськöдлан котырлөн киподувса олөмö пöртысь власьт органьясь серти либö Администрацияөн Юрнуöдыськöд – Коми Республикаса Юралысьлөн киподувса олөмö пöртысь власьт органьясь серти.

13. Администрация ыстö Советö пырысьяслы, Сöветса заседание вылö коран йöзлы Сöветса заседаниелысь сёрнитанторсö Сöветса заседание нуöдан кадпасöдз 5 уджалан лунысь оз сёрджык.

14. Сöветөн веськöдлысь индö Сöветса заседание вылö коран йöзсö

тайö Положениелöн 12 пунктын индöм йöзкöд Коми Республикаса олöмö пöртысь власьт органьясöн юрнуöдысьяслöн, кодьяс кывкутöны видлалан юалöмьяс дасьтöмысь, сöгласуйтöм вöзйöмьяс серти.

15. Сöветöн веськöдлыськöд сёрнитчöмöн Сöветса заседаниеяс вылö позьö корны федеральной олöмö пöртысь власьт органьяслöн мутас органьясöн юрнуöдысьясöс, кодьяс оз лоны Сöветö пырысьясöн, öтйöза öтувьясöс, бизнес-котырьясöс, наука да мукöд организацияöс петкöдлысьясöс.

16. Сöветса заседаниелысь сёрнигжöдсö оформитö Администрация Сöветлысь заседание нуöдан лунсянь 3 уджалан лун чöжöн да кырымалö Сöветöн веськöдлысь. Администрация ыстö Сöветса заседаниелöн сёрнигжöдлысь копиясö кырымалан лунсянь 3 уджалан лунысь оз сёрджык Сöветö пырысьяслы, Коми Республикаса олöмö пöртысь власьт органьяслы, мукöд колана органлы да организациялы – сёрнигжöд серти помшуйöмьяс олöмö пöртысьяслы.

17. Сöветлысь помшуйöмьяс олöмö пöртöм бöрся видзöдö Администрациялöн тэчас юкöдув, кодi кывкутö Коми Республикаса Юралысьлысь тшöктöмьяс олöмö пöртöм бöрся видзöдöмысь.

18. Сöветлысь уджсö котыртö да технической могмöдö Администрация.

ВЫНСЬӦДӦМА
Коми Республикаса Юралысьлӧн
2022 во кӧч тӧлысь 20 лунся 107 №-а Индӧдӧн
(2 №-а содтӧд)

Коми Республикаса Юралысь бердын стратегическӧя веськӧдлӧм серти
координационнӧй сӧветӧ
ПЫРЫСЬЯС

1. Коми Республикаса Юралысь (Сӧветӧн веськӧдлысь).
2. Коми Республикаса Веськӧдлан котырӧн Юрнуӧдысь.
3. Коми Республикаса Веськӧдлан котырӧн Юрнуӧдысьӧс Медводдза вежысь.
4. Коми Республикаса Веськӧдлан котырӧн Юрнуӧдысьӧс вежысьяс.
5. Коми Республикаса Веськӧдлан котырӧ пырысь, кодӧ уджалӧ уджсикас подув вылын.
6. Коми Республикаса олӧмӧ пӧртысь власьт органьясӧн юрнуӧдысьяс.
7. Коми Республикаын кар кытшыслӧн (муниципальнӧй районьяслӧн) муниципальнӧй юкӧнъясса администрациясӧн юрнуӧдысьяс (сӧрнитчӧмӧн).
8. Рытыв-Войвыв федеральнӧй кытшын Россия Федерацияса Президентӧс полномочнӧй петкӧдлысьлӧн аппаратса Коми Республикаын медыджыд федеральнӧй инспектор (сӧрнитчӧмӧн).
9. Коми Республикаса Каналан Сӧветӧн Веськӧдлысь (сӧрнитчӧмӧн).
10. Коми Республикаса видзӧдан-арталан палатаӧн веськӧдлысь (сӧрнитчӧмӧн).
11. Коми Республикаын пытшкӧс делӧяс министр (сӧрнитчӧмӧн).
12. Россия Федерацияса войтырӧс доръян, неминучаысь видзан да ускӧттӧ бӧрын лоӧм колясьяссӧ бырӧдан министерстволӧн Коми Республикаын медшӧр веськӧдланінса начальник (сӧрнитчӧмӧн).
13. Федеральнӧй вот службалӧн Коми Республикаын веськӧдланінӧн юрнуӧдысь (сӧрнитчӧмӧн).
14. Россия Федерацияса Федеральнӧй Собраниелӧн Федерация Сӧветын Коми Республикасянь сенаторьяс (сӧрнитчӧмӧн).